



Landjugiprogramm

Januar – März 2023

Brunch: MO, 02.01.2023

Was gits bessers, aus ds nöie Jahr mitemne huere guete Brunch ahzfah? Chumm doch o grad mit, mir traffe üs am 02.01.2023 am 09:00 Uhr bim Klubrum. Wo dass mir üs d Büüch gö ga füuue, isch no grad ä Überraschig. Du darfsch di aber bis am 26.12.2022 bir Jasmin amäude, de bisch o drbi!



Curling mit Fondue: SA, 07.01.2023

Mir wei dr erscht Samstag vom 2023 ufem Isch verbringe u gö zäme ga curle. Ahschliessend wartet im chli weniger sportleche Teil es guets Fondue uf üs. We du o mitchunnsch, nimmt dr Bäрни dini Amäudig bis am 30.12.2022 entgäge. Starte tuet dä Usflug am 19:00 bim Klubrum.



Musikkonzärt: SA, 14.01.2023

Mir wei ga lose, ob si d Tön am Konzert vor Musikgseuschaft Utzigen verwütsche. We du o mitchunnsch, nimmt d Andrea dini Amäudig bis am 12.01.2023 entgäge. Träffpunkt isch am 19:30 bim Klubrum.



Skiweekend: FR - SO, 20. - 22.01.2023

Ja, du hesch richtig gläse: Skiweekend! We du itz glich no gmerkt hesch, dassmer ohni di nid chöi gah, isches no grad nid ds spät. Mäud di ganz schnäu bir Nina a, es paar wenegi Plätz hets no!

Theater Schallenberg: SA & SO, 14. & 15. / 21. & 22.02.2023

Für die, wo nid mit i ds Skiweekend chöme u am Musikkonzert nid drbi si: D Schallebärger hei es Theater zwäg, si fröie sech uf jede Fau überne Bsuech!

Neumitgliederässe mit Hordehöck: FR, 27.01.2023

Aui Nöimitglieder vom 2022 si a däm Abä ganz härzlech zum Nöimitgliederässe ihglade. Dir wärdet vom Vorstang mit Spis u Trank usgrüschtet u im Ahschluss gits de ono grad ä Hordehöck. Gseh tüe mir üs uf di 20:00 i üsem Klubrum. Aui Ahmäudige nimmt d Nina bis am 20.01.2023 entgäge.



Ice Party: SA, 04.02.2023

Mir gseh üs am 20:00 bim Klubrum, nähme dert no eine u wei när ab a d Ice Party! Chunnsch o?

Big Burgerässe: DI, 07.02.2023

Bis im Februar heimer üse Brunch vom 2. Jäner verdouet. Drum wei mir d Büüch grad wieder ga füuue u gö amne Zistigabä uf Rubige ga d d Beiz "Fäbus Big Burger" unsicher mache. Wär am 19:00 o bim Klubrum isch, söu doch ar Jasmin bis am 05.02.2023 Bscheid gäh.




Regio DV: FR, 10.02.2023

D Landjugi Köniz-Längenberg organisiert das Jahr d DV vor Region. Ahmäude darfsch di grad bir Melanie.

Velogemle & Schlittle: SO, 12.02.2023

Wes dir o nie schnäu gnue cha ga, isch dä Ahlass ds Richtige für di! Mir wei nämlech mit Velogemle u Schlittle ab uf d Piste. Für das traffe mir üs am 09:00 bim Klubrum u stüre när d Bussalp ds Grinduwaud ah. Dr Ändu fröitsech über dini Amäudig bis am 05.01.2023, me gsehtsech im Schnee!



Theater Frienisberg-Süd: FR, 24.02.2023

Zur Uflockerig göh mir amne Fritigabä bi dä Frienisbärger ga inehöckle. Si hei nämlech es Theater uf d Bei gsteut. Mäud di doch bis am 19.02.2023 bir Nadine, wed o mitchunnsch. Aui witere Infos erfahrsch no.



Schlöfle: SA, 25.02.2023

Ob ds Langnou ds Isch o glatt isch? Mir finges use u göh zäme uf d Schlöf. Am 19:00 gseh mir üs bim Klubrum u dr Küsu isch froh, we du di bis am 17.01.2023 hurti ahmäudisch.

Regio Skirenne: SO, 05.03.2023

Weli Landjugi vor Region West dr schneust Schiifahrer het, finge mir ir Metsch am Regio Skirenne use. Näbscht em Renne gits ono e Festwirtschaft u me gseht ume einisch aui us dr Region. Chumm doch o grad mit u mäud di no bis am 19.02.2023 bir Melanie ah.

Chinoabä: MI, 08.03.2023

Dass ä angeri Landjugi üses huere guete Chino o einisch darf erläbe, mache mir ä Chinoabä mitne. Es louft fasch wi im Westside: Ahmäudige nimmt d Nadine bis am 05.03.2023 entgäge, me darf mitemne guete Fium rächne u Popcorn si sogar inbegriffe!



Holiday Night: SA, 18.03.2023

Me trifftsech am 20:00 im Klubrum, bevor me de nachere Sterchig uf Hasli ad Holiday Night züglet.



Schuttmätch: SO, 19.03.2023

We YB u Basu ufenang trifft, geits ohni üs nid! Mir stige am 15:34 im Boll i ds Bähndli u wei am Schuttmätch di richtig Partei ga ahfüüre. Gib ar Andrea bis am 02.03.2023 Bscheid, we si für di o es Ticket darf organisiere.

Theater Köniz-Längenberg: SA, 25.03.2023

O d Köniz-Längebärger hei es Theater zwäg. Am Samstagabä wei mir ga luege u lose, was dert uf dr Bühne so abgeit. Was afe klar isch: Mir träffenis bim Klubrum u ahmäude darfsch di bis am 17.03.2023 bi Jasmin, aus witere erfahrsch de no.

Indoor-Grümpturnier: SO, 26.03.2023

Wär flitzt am zackigste dür d Haue u het glichzeitig öppe no dr Bau im Griff? Genau das weimer a däm Sunntig usefinge! Suech dir doch grad dis 4er-Team zäme (mind. 1 Frou) u mäud di bis am 10.03.2023 bim Bärni a. Fausd d Gspändli no nid binang hesch, darfschdi o alleini ahmäude, am Schluss geits de sicher irgendwie uf. Afah tuet das Grümpturnier am 10:00 ir Turnhaue ds Utzige.



Vorschou

- Utzigen Chilbi: 21. & 22.04.2023

Kontakt

Nina: 079 920 60 81
Andrea: 079 104 36 68
Nadine: 077 521 73 69
Bärni: 076 443 19 57
Jasmin: 079 618 56 20
Ändu: 077 459 99 18
Küsu: 079 924 67 48
Region West
Melanie: 077 525 06 35